

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus II. De Persona Spiritûs Sancti.

[urn:nbn:de:hbz:466:1-73455](#)

Probatur secundò. Notitia comprehensiva omnium illorum cognitione. Consequentia patet ex nostra ratione & fundamento. Antecedens probatur. Comprehensio causæ non infert necessariò cognitionem omnis effectus in causa contenti, ut patet in comprehensione, quā Angelus comprehendit suum intellectum; neque enim per hanc comprehensionem attingit omnes suas cognitiones: alias videret simul omnia & infinita objecta, ad quæ ipsius cognitiones terminabuntur in omnem aeternitatem. Ergo Divina omnipotentia comprehensionis non infert formaliter cognitionem omnium creaturarum possibilium.

Secunda pars ratio est. Ex illa notitia Verbum Divinum non petit per se procedere, quæ si non esset, nihilominus Verbum Divinum sub ratione Verbi infiniti & comprehensivi procederet; sed tametsi DEUS non haberet notitiam creaturarum actualium & contingentium, Verbum Divinum sub eadem perfectio-ne procederet: ergo ex illorum notitia per se non procedit. Minor probatur: quia cognitione & scientia creaturarum actualium fundatur super liberum decretum, est que proin libera, & potuisse absolue non esse, & nihilominus fuisse eterna Divini Verbi processio.

Confirmatur. Ens per essentiam necessarium non potest per se procedere ex libera cognitione: sed cognitione creaturarum actualium est libera, & Verbum Divinum est Ens per essentiam necessarium: ergo Verbum Divinum ex cognitione creaturarum actualium per se non potest procedere.

Objic. tertio. Authoritatem S. Anselmi monolog. c. 29, dicentes: sive ergo ille cogitet, nullo alio existente, sive aliis existentibus, necesse est Verbum coeterum illi esse cum illo: atqui si procederet per se ex cognitione creaturarum possibilium, tunc nullà existente essentiâ possibili, non existeret aut procederet Verbum: ergo sicut D. Anselmus, Verbum Divinum per se quarto modo non procedere ex cognitione creaturarum possibilium.

Respondeo D. Anselmum loqui de creaturis actualibus, non de possibilibus: nam de illis tantum existentia propriè affirmatur.

Objic. secundò. Potest Verbum Divinum procedere ex comprehensiva cognitione Patris, qui procedat ex cognitione omnium creaturarum possibilium. Ergo non per se procedit ex

Respondeo, negando minorem. & ad primam probationem dico, non ex indigentia, sed ex intrinseca exigentia & natura causa prima & omnipotencia infinita DEUM habere connexionem cum creaturis possibilibus. Ad alteram probationem nego majorem: nam facunditas generativa Patris est facunditas intellectiva, adeoque requirit cognitionem comprehensivam: atqui comprehensiva non est, nisi terminetur ad creaturas possibiles, uti dictum.

ARTICULUS II.

De Persona Spiritus Sancti.

S U M M A R I A.

1. Nomen Spiritus S. tertia Persona proprium.
 2. Nomen amoris terminativum.
 3. Et nomen Domi.
 4. Ejus nomina per appropriationem.
 5. Error Grecorum de processione Spiritus S.
 6. Veritas Catholica probatur auctoritatibus.
 7. Firmatur duplice ratione.
 8. Enevatur fundamentum oppositum.
 9. Scotistarum doctrina, quod distinguatur Spiritus S. à Filio independenter à processione.
 10. Eorum fundamentum ex auctoritate D. Anselmi.
- R. P. Merz, Theol. Schol. Tom. I.
11. Fundamenta ex ratione.
 12. Contraria sententia afferitur & probatur auctoritate.
 13. Eliditur Scotistarum responso.
 14. Exponitur auctoritas objecta Divoi Anselmi.
 15. Satisfit ceteris Scotistarum fundamentis.
 16. Ex D. Thoma ostenditur, Spiritum S. per se procedere à duobus suppositis.
 17. Aut vel quomodo virtus spirativa adequatè repertatur in Patre.
 18. Disparitas inter virtutem spirandi & creandi.
 19. Viraque Persona constituit unum principium spirandi.

H 2

§. No-

§. I.

Nomina tertia Personae.

I. Tertia Persona propriè appellatur *Spiritus Sanctus*, amor, *Dominum*.

Rationem primi nominis accipe à S. Doct. 4. contr. gent. c. 18. *Quia amatum in voluntate existit, ut inclinans, & quodammodo impellens intrinsecus amantem in ipsam rem amatam, impulsus autem re viventis ab interiori ad spiritum pertinet: convenient DEO per modum amoris procedenti, ut spiritus dicatur. Ad diutum ly *Sanctus*, ita, ut vox utraque in virtute unius termini incomplexi sit accipienda. Rationem hujus vocis iterum assignat S. D. in 1. Dist. 10. a. 4. quod sanctitas importet relitudinem voluntatis, & consequenter processioni amoris congrue adjungitur, qua est per voluntatem.*

2. Vocatur secundo amor, non formaliter, sic enim est actus amantis; non essentialiter, sic enim amor communis est toti Trinitati; sed notionaliter & terminativè, ut amor personalis, hoc est, terminus mutui amoris, seu impulsus ex illo amore procedens, & amantem cum amato jungens, qua ex causa etiam nexus, & vinculum, quanquam metaphorice magis, nuncupatur.

3. *Donum* quoque *Spiritus S.* appellatur, tum quia primum amantis donum amor est: tum quia habet conditiones ad donum requisitas. Prima est, ut sit ejus, a quo donatur. Secunda ut sit gratuitum. Tertia, ut fiat creatura rationali. Est igitur *Spiritus S.* illius, a quo donatur, nempe *Patris & Filii*, non quidem per identitatem, quo modo *Divina essentia est DEI*, a quo *Beatus donatur*. Neque per possessionem dominii, quo modo gratia, virtutes, &c. sunt dona *DEI*: sed per processionem & originem, quo modo *Filius est Patris, & à Patre donatur, iuxta illud Joan. 3. Sic DEVS dilexit mundum, ut Filiū suum unigenitum daret*. Est etiam ipsius donatio gratuita absque intuitu retributionis, & facta creature rationali, ut per se pater. Licet ergo etiam de *Filio verissime dicatur*, quod sit nobis datus, & donatus: nihilominus magis propriè *Spiriti* *sanc*to nomen *Domini* tribuitur, eò quod ex vi sua originis, & characteristica proprietatis sit amor; amor autem est primum donum & ratio donandi alia.

4. Per appropriationem quoque *Spiritus S.* dicitur *bonitas*, quia bonitas objectum est voluntatis & amoris, ex quo *Spiritus S.* procedit. Vocatur *Paracletus*, *Consolator*, *Vnctio*, quia per hanc significant opera amoris & amicitia. Dicitur *Digitus*, & *Virtus Altissimi*; quia nil impulsu amoris fortius, qui vincit omnia, unde eadem virtus in die Pentecostes igne & vento valido designabatur.

§. II.

Processio ex utroque.

5. Quamvis *Spiritus S.* tertiam esse in Trinitate Personam ceteris consubstantialem contra Macedonium tueantur Graci, pertinaciter tamen negant, eundem à Patre, *Filiisque* procedere, & solam ipsius à Patre processionem admittunt, nisi duplice autoritate, sed hoc ipso tamen debili, quod utraque autoritas tantum sit nega-

tiva. Prima est ex Joa. 15. ubi Christus dicit: *Cum autem veneris Paracletus, quem ego misericordia vobis a Patre, Spiritum Veritatis, qui à Patre procedit. Nulla tacita mentione Filii. Alte et ex Symbolo Niceno, in quo Patres Concilii super prello itidem nomine Filii, intereruerunt, qui à Patre procedit.*

Contra hunc errorem stat Fidei Catholica Veritas definita in Concil. Lateranensi, & Florentino, *Spiritus S. ab utroque, à Patre & Filio procedere*, quod ipsum habetur in Symbolo S. Athanasii Græci Patris, *Spiritus sanctus à Patre & Filio, non factus, nec creatus, nec genitus, sed praedens*. Fundamentum est primo ex Verbis Christi Jo. 16. Ille me clarificabit: quia de me accipiet, & annunciat vobis. Omnia quacunque habet Pater, mea sunt. Propterea dixi: quia de me accipiet, & annunciat vobis. Ubique patet vicibus dicitur: de meo accipiet. Sed non potest accipere de suo, nisi per communicationem uestræ essentia & scientie. Sicut omnia, quia haberetur, sunt Filii, ratione communicatione essentia.

Secundum ex ejusdem Verbis Jo. 14. & 16. ubi Christus promittit *Spiritu S. mittere*, sed nulla Persona mixtetur ab alia, nisi à qua procedit, de quo infra.

Tertiò ex Verbis Apostoli, qui Rom. 8. & Gal. 4. *Spiritus S. vocat Spiritum Christi, Spiritum Filii DEI*. Sed *Spiritus S.* non aliter potest dici *Spiritus Christi*, nisi ratione originis; sicut & Christus ratione originis *Patris* esse dicitur.

Quartò ex Joa. 20. ubi Christus insufflante in discipulos dixit: *Accipite Spiritum S. eaque actione significabat, quia (ut loquitur S. Anselmus de proc. Spiritu S. c. 10.) de ejusdem Processu secreto procedebat ille Spiritus, quem dabo, ut cuius occulto Spiritus ille procedebat, quem infibulabat.*

Quintò ex ratione fundamentum est: omni filio communicantur à Patre, in quibus Patre & Filius nullam dicunt oppositionem relatum, idque requirit Divina simplicitas, & in hinc actualitas: atqui in virtute spirativa Patre & Filius nullam dicunt relativum oppositionem: ergo virtus spirativa Filius communicatur à Patre.

Sextò tandem ex ablurdo. Si *Spiritus S.* non procederet à Filiō, non distingueretur ab illo: sed confequent est hereticum, nec ab ipsis Graci conceditur: ergo etiam fallum est antecedens. Ex quibus fundamentis Latina Ecclesia ad retendum Græcorum Schisma, in Symbolo Niceno addidit ut *Filiisque*, & voluit deinceps legi, quia Patre, *Filiisque procedit*.

Debilitas contrarii fundamenti patet tum ex j. authoritatibus relatis; tum ex pluribus instanciis, quas contra Gracos cit. S. Anselmus coassert. c. 18. & 19. Nam Christus March. 10. ad Petrum dixit: *caro & sanguis non revelavit ibi, sed Patre meus, nullus fui, vel *Spiritus S.* facta mentione: & tamen, Nonne ipse Filius & *Spiritus Sanctus intelligendus est revelasse cum Patre*. Jo. 16. dixit: *Qui videt me, videt & Patrem*. An ergo quia *Spiritus S.* videri tacuit, etiam negavit? quod ipsum habetur Joa. 17. *Hac est vita eterna, ut cognoscant te solum Verum Deum*, & quoniam misisti Iesum Christum. Nec tamen unique ob*

illa visione Spiritus S. est separandus. Ex quo patet levissimum esse hoc argumentum ab autoritate negativa (quoniam ne negativa quidem; dum alii locis processio Spiritus S. à Filio claram infinitetur) petrum: Cui sufficienter occurrit illa Regula Juris in 6. *Is, qui tacet, non facetur: sed ne nique negare videatur.*

§. III.

Spiritus S. distinctio à Filio in processione fundatur.

I' Ameti predicta apud Catholicos rata & certa sunt, de lecta tamen probatione controversiam movent Scotistæ, an haec ratio validè probet intentum, quod si *Spiritus S. non procederet à Filio, non distinguerebat ab illo?* Unde pro veritate majoris examinanda tanquam lydium lapidem applicant hypothesis impossibilis, si nimurum per impossibilem Spiritus S. à Patre solo, non autem Filio procederet, utrum sub illa hypothesi adhuc posset esse distinctus à Filio? Et concludunt affirmativè, adeoque judicant, adæquatum fundamentum distinctionis inter Filium & Spiritum S. non esse processionem & oppositionem relativam secundum originem inter utramque Personam; sed quod Filius generatione, Spiritus S. fit spiratione productus,

10. In confirmationem lucæ doctrinæ adducunt primum authoritatem S. Anselmi cit. l. de proc. Spirit. sc. i. dicent: *habent utique à Patre esse Filius, & Spiritus S. sed diversimode, quia alter nascendo, alter producendo, ut dicit per hoc fint ad invicem. Nam si per aliud non essent plures, Filius & Spiritus S. per hoc solum essent diversi.* Ergo tametsi per impossibilem Spiritus S. à Filio non procederet, adhuc tamen esset diversus à Filio, quia alio modo à Patre haberes esse, quam Filius. Unde

11. Probatur secundò. *Datâ hâc hypothesi impossibili, quod Spiritus S. à Filio non procederet, habere suum formale constitutivum: ergo & distinctivum ab omni alio.* Antecedens probatur.

Constitutivum Filii est filatio; sed hanc habebet Filius, etiam Spiritus S. ab ipso non procederet: ergo

Tertio. Ita se habet Spiritus S. ad Filium; sicut ad Patrem, sed si per impossibilem à solo Filio, non autem à Patre procederet, adhuc maneret distinctus à Patre: ergo quamvis per impossibilem à solo Patre, non autem à Filio procederet, adhuc tamen posset manere distinctus à Filio.

Quarto. Terminii per actiones totales & adæquate distinctas producti, sunt realiter distincti, sed tametsi Spiritus S. à Filio non procederet, esset productus per processionem totaliter distinctam à processione Filii, nempe per spirationem, cum Filius producatur per generationem: ergo adhuc foret realiter distinctus à Filio.

Quinto. Implicat terminum integrè bis esse productum. Sed in priori ad spirationem, quo Filius generatur, jam est productus: ergo implicat eundem pro posteriori originis per spirationem denovo produci, & consequenter terminus spirationis activæ debet esse realiter distinctus à Filio.

12. Quamvis subtilia sint hac argumenta, communis tamen Theologorum extra Scholam Scotticu[m]

D. Th. q. 36. a. 2, contrarium tenet, & concludit, in illa hypothesi impossibili, Spiritum S. non posse realiter esse distinctum à Filio. Estque conformior Patribus & Concilii. Nam in Concil. Tolet. de Spiritu S. dicunt: *Qui in Sancta pre-noscitur Trinitate tertia Persona esse, pro eo, quod à Patre Filioque condonatur, hoc est, est donum ab utroque procedens.* Idem quoque Tolet. 2. in profess. fid. de Divinis Personis loquens: *Hoc solum, inquit, numerum infinxat, quod ad invicem sunt.* Et in Florent. Scis. 18. Joannes Theologus: *Sola relatio, apud omnes tam Graecos, quam Latinos Doctores Divinam processionem Personas multiplicat.* Unde est receptissimum axioma Theologorum, dicentium: *omnia in Divinis unam esse, ubi non obviat relationis oppositio, fundatum in simplicitate & actualitate Divina, que nullam patitur in absoluta realem distinctionem, veluti ex alibi dictis suppono.* Ex quibus omnibus facile subsumitur: sed ubi non est procellio, ibi nulla est in Divinis relativa oppositio: ergo si nulla est processionis Spiritus S. non procedit à Filio; neque realiter distinguitur ab illo.

Accedat Authoritas D. Anselmi sape citato l. de proc. c. 6. dicentis. *Est quoque patens, euro (Spiritum Sanctum) per processionem habere de Pare, & per hoc aliud esse à Pare: sicut Filius non per aliud est à Pare aliis, quam per hoc, quia de illo exsilit.* Ubi vides, quod ex S. P. mente per hoc, & Filius & Spiritus S. si alius, hoc est distinctus à Patre, quia de Patre exsilit, hoc est, ab illo procedit: ergo similiter ratio, cur Spiritus S. sit alius, hoc est distinctus à Filio, non est alia, quam quia de Filio exsilit, hoc est, à Filio procedit.

Nec enervant vim argumenti Scotistarum, cum dicunt, ad salvandum distinctionem in Divinis sufficiere *relations disparatas* (hoc est, non quidem propter mutuum respectum oppositas, ad diversos tamen terminos comparatas) quales forent filatio & passiva spiratio, que licet sibi mutuo secundum originem non essent opposita, tamen propter diversitatem terminorum essent disparate.

Contra quam respondionem est, quod infinita unitas & simplicitas actus puri exigit omnium earum formarum identitatem, è quarum identitate nulla sequitur contradictione: sed nulla sequitur contradictione, si relations disparatas inter se identificantur: an non enim relatio Patris, ac Spiratoris sunt disparatae, & tamen identificatae? An non formæ absolute magis sunt disparatae à relativis, cum toto genere differant, quam una relativa forma ab altera? & tamen certum est absolute in Divinis identificari cum relativis. Similiter intellectus, & voluntas, processio intellectus & voluntatis, dictio & spiratio sunt formæ disparatae, & tamen identificantur. Igitur si tollas à Filiatione oppositionem relativam Spirationis activæ cum Spiratione passiva Spiritus S. (quam solam ceu distinctionem radicem in Divinis Concilia agnoscunt) habebis Filiationem identificatam cum Spiratione passiva, & non nisi virtualiter distinctionem.

Superest, ut authoritatibus & rationibus subtilis Doctoris satisfiat. Ad 1. ergo, hoc est, auctoritatem Divi Anselmi responderet S. D. q. 10. d. pot. a. 5. hæc Verba non ab ipso assertivæ, sed disputativæ & permisivæ ex Græcorum sententia fuisse prolatæ. Eftque veriflima expositio, cùm toto illo capite S. P. occupetur in referenda Graecorum mente de processione Spiritus Sancti. Responderi potest secundò cum Vekeno, eum loqui de diversitate radicali & causalí, non verò formalí. Sanè mens S. Doctoris ex Verbis supr. n. 3. relatis patet, quibus aperit in hoc processionem Spiritus S. à Patre cum processione Filii ab eodem comparat, quod non per aliud est alius à Patre, quām quia de illo exiftit: ergo hoc ipsum sentit de alicet Spiritus S. à Patre & Filio.

15. Ad secundum nego antecedens. Ad cuius probationem distinguo majorem. Filiatio est constitutivum Filii, ut simul est radicaliter spiratio, atque ita mediæ opposita spirationi passiva concedo, secùs, nego majorem: sed hanc habebet Filius, ut simul est radicalis spiratio, nego, ut simpliciter filiatio est, concedo minorem & nego consequentiam.

Ad tertium Respondeo, quamvis de facto ita se habeat Spiritus S. ad Filium, sicuti ad Patrem, quia de facto utrumque respicit ut unum spiratum, sub data tamen hypothesi impossibili, quod non procederet à Patre, nego majorem, & paritatem, quia licet Spiritus S. non procederet immediate à Patre, ex hoc solo tamen, quod procederet à Fili, qui est productus à Patre, etiam mediæ procederet à Patre, eique proinde mediæ opponeretur. At verò si non procederet à Fili, eidem nec mediæ nec immediate opponeretur.

Ad 4. Respondeo, distinguendo majorem. termini per actiones totales realiter distinctas produci sunt realiter distincti, concedo, tantum formaliter aut virtualiter distinctas, nego. Sed Spiritus S. est productus per actionem totaliter formaliter vel virtualiter distinctam, concedo, realiter, nego minorem & consequentiam.

Ad quintum distinguo majorem. Implicet eundem terminum bis realiter esse productum, concedo, virtualiter aut formaliter, hoc est, ut secundum aliquam rationem uni, secundum aliam diversam rationem alteri productioni sit debitus, nego. Et sic implicabit in illa hypothesi impossibili, ut Filius per generationem productus, rursum realiter producatur per spirationem; non autem implicabit, ut una reali, virtualiter tamen duplice processione productus, sub una ratione dicitur genus, sub alia spiratus.

§. IV.

Suntne per se à duobus suppositis, an etiam à duobus principiis?

16. Quidam ex duplex. Prima. Utrum Spiritus S. per se quartu modo petat procedere à duabus Personis? Altera. An utraque Persona Patris & Filii dicenda sunt unum principium, vel duo principia Spiritus Sancti? Ad primum quæsiuum Responso S. Doct. contra Scorum est affirmativa, quam q. 10. de pot. a. 2, ad 15. pro-

bat hæc ratione: Spiritus S. ex proprietate personali est amor mutuus (terminative) & amans duorum, sive est terminus amoris mutui, quo duo se diligunt; sed hoc absque pluralitate suppositorum mutuò se amantium esse non potest, ergo oportet, quid à duobus spirare: Major probatur, Spiritus S. per se petit procedere ex amore perfectissimo; sed amor perfectissimus est amor amicitiae mutuus & reciprocus: Amor quippe amicitiae est redamatio plurim redamantum in aliquo uno. Ait idem S. Th. I. 2. q. 37. a. 3.

Neque dicas. Etiamsi solus Pater spirare, adhuc Spiritus S. est terminus amoris mutui, quia Pater & Filius diligunt. Nam responderet, est terminus amoris inadæquatè mutui, concedo, adæquatè mutui, nego: quia nempe in illa hypothesi amor in solo Patre est principiatiæ, in Spiritu S. tantum objectivæ, & terminative, ut autem sit adæquatè mutui, in utroque debet esse principiatiæ.

Ratio ulterior est. Spiritus S. ex proprietate personali per se distinctus ab utroque; sed si procederet ab utroque, non esset ab utroque distinctus; ergo vi proprietatis personalis per se utroque procedere, minor constat ex se prædicto.

Objicies primò. Quando terminus virtutem adæquatam producendi inventis in uno supponit, tunc per se non appetit produci à duobus suppositis; sed virtus spirativa adæquatè reperitur in utroque: ergo Spiritus S. per se non petit producere utraque Persona.

Respondeo distinguendo majorem, quandovenit virtutem adæquatam cum omni conditione, qua à termino exigitur, concedo, secùs, nego. Sed in Patre est adæquata Virtus spirandi, quantum ad id, quod virtus spirandi dicit in isto, concedo, quantum ad omnem conditionem etiam in obliquo, qua à termino necessariò exigitur, nego. Quæ est ergo omnis illa conditio? Duplex, inquam, relatio. Nam quia Spiritus S. spiratur ut nexus & amor unitivus duorum, necessariò exigit, ut virtus spirandi continet duas relationes duorum suppositorum constitutivas. An ergo Patri debeat alius conditio ad spirandum? relativa, concedo, (k. hoc nihil decedit perfectionis) absolute, nego.

Dices. Ratio mutui & reciproci nihil乎 ratio superaddit amoris, sed ad summum perfectionem, vel realem, vel rationis: non ergo neesse est, ut Spiritus S. ex mutuo amore procedere. Non addere formaliter & entitative, bene autem argutivè; quia exinde arguitur defectus perfectissimæ amicitiae; sicut ex defecitu generationis argueretur defectus infiniti cunctitatis.

Objicies secundò. Non minus adæquata virtus spirandi convenit Patri ratione voluntatis, quam cuilibet Persona conveniat virtus creatrice ratione omnipotentia; sed quia virtus creatrice Personarum convenit ratione omnipotentia, plures Personarum ad creationem se habent per accidens: ergo erit dualitas Personarum ad processionem Spiritus S. se habent per accidens, quia utruspirandi competit Patri ratione voluntatis.

Respondeo negando paritatem majoris & causalem minoris, quia ratio adaequata, cur ad productionem creaturarum Trinitas Personarum habeat per accidens, est, quia virtus adaequata creandi DEO convenit etiam secundum omnem conditionem importatam in obliquo, præcisâ ratione Trinitatis: Atqui adæqua virtus spirandi secundum omnem conditionem importatam in obliquo non convenit soli Patri præcisâ ratione filiationis, ut dictum.

Dices Si per impossibile non esset, vel non spiraret Filius in Divinis, adhuc posset à Patre spirari Spiritus S. ergo spiratio Filii non est ipsi per se.

Respondeo, in illa hypothesi personam spiram non fore ejusdem rationis, & perfectionis cum Spiritu sancto, quia non esset terminus reciprocus amoris.

Ad alterum quæstum Respondeo, utramque Personam non esse nisi unum principium, qua de causa (ut supra ex S. Doct. insinuatum) licet posse dico duo *spirantes*, non tamen duo *spiratores*,

ARTICULUS III.

De missione Divinarum Personarum.

S U M M A R I A.

1. Exponitur & asseritur missio Divinarum Personarum.
2. Dividitur in visibilem & invisibilem.
3. Invisibilis fit per gratiam & charitatem.
4. Non omnis missio supponit productionem ejus, qui mittitur: nec est adæquata temporalis.
5. Qualis sit missio Christi in Eucharistia?
6. Pater non mittitur, nec Spiritus S. mititur.
7. Persona non mittuntur per dona naturalia.
8. Neque per gratias gratis datas, gratias actualiter, vel habitus vel actus informes.
9. Missio fit etiam per augmentum gratie.
10. Persona missa fit praesens in eje cognito, per cognitionem experimentalem.

§. I.

Quid & quotuplex sit missio?

Liquimur de missione passim accepta, quo modo significat egreditionem ab aliquo cum definitione ad certum effectum obtainendum, vel locum de novo occupandum, & potest tripliciter fieri. Primo per imperium, quo modo legatus à Principe, servus à domino mittitur. Secundo per consilium, quo modo æger à medico ad thermas mittitur. Tertiò per originem, quo modo radix à sole, flos & fructus ab arbore mittitur, aut magis emittitur.

Mittit aliquos Personas, & quidem utramque Personam, Filii & Spiritus sancti fides docet Jo. 8. Ego ex Patre processi, & veni: neque enim à me ipso veni, sed ille mihi misit ad Galat. 4. Misit Deus Filium suum, factum ex muliere, &c. Joa. 14. Paracitus autem Spiritus S. quem mittet Pater in nomine meo. Joa. 15. Paracitus, quem ego mittam

vobis, &c. Ceterum missio rectè definitur: quod sit processio originis àmittente cum connotatione novi effectus temporalis. Duplex quippe habitudo (ut advertit S. D. hic q. 43. a. 1.) inventur in missione, una admittentem, & altera ad terminum, ad quem mittitur. Habitudo admittentem in Divinis alia esse non potest, quam originis, cum aliæ habitudines imperfectionem involuant, idéoque S. Cyriillus in citata verba Jo. 8. *Filius*, inquit, mittitur à Parre, ut *Verbum* à mente, *splendor* à sole. Quia verò sola processio ad missione non sufficit, sed simul requiritur nova habitudo ad terminum, veluti patet in creata missione; idcirco missio Divina Persona simul connotat effectum aliquem creatum, cum ex parte ipsius Personæ missa nova habitudo esse non possit.

Ratione hujus effectus à Persona procedente connotati dividitur missio in visibilem & invisibilem, quia nempe à Persona procedente aliquando visibilis, aliquando invisibilis effectus connotatur. Visibilis missio Filii fuit per Incarnationis beneficium, de qua Apostolus Gal. 4. *Cum ergo venti plenitudo temporis, misit DEUS Filium suum natum ex muliere, &c.* Vilibilis missio Spiritus S. fuit, cum primo in specie columba descendit super Christum baptizatum, Matth. 3. Secundò cum in transfiguratione Christi in nube lucida apparuit, ita enim in officio Felti agnoscit S. Ecclesia & D. Augustinus Epist. 102. ad Eud. *Nubes illa lucida, qua in monte operuit cum tribus Discipulis Salvatorem, Spiritum S. demonstravit.* Tertiò cum in vento vehementi & igneis linguis super Discipulos venit in die Pentecostes, ut habetur act. 2.

Missio iuvabilis Divinatum Personarum non fit, nisi per gratiam iustificantem & charitatem,

Tunc